



Vilhelmus ex nobili familia Bœcklinorū in Alsatia natus, & multis uirtutibus educatus fuit. Hic post prima literarum fundamenta percepta, animum ad militaria cōsilia adiecit, & Cæsarīs castra sequendo pacis & belli studijs clarissimus evasit. Hinc factum ut præsul Argentinēsis eum inter consiliarios elegerit, & præfecturam Rubea- quensem commēdarit. Ibi cum per aliquot annos optimè præfuisset, animum ad maiora appulit, atq; in exteris quoq; regionibus pacis & belli studia exercuit. Itaq; Carolus Imperator eum ob uirtutes plurimūm dilexit, ac multis honoribus & priuilegiis exornauit. Postea quoq; uxore eius uita functa, Magdeburgensis cathedralis Ecclesiæ Præpositus constituitur. Eam functionem is tanta animi moderatione administravit, ut à cunctis plurimūm d̄ligeretur. Parī dexteritate multoties comitijs Imperij interfuit, & ob rerum usum omnibus notus fuit. id quod præsertim 1562 Franckoforti contigit, cum ipse Ioachimi Electoris Brandenburgici curiam sequeret, ut Maximilianī noī Cæsarīs inaugurationi interesset. Hinc factum ut non modò ordine tribus Cæsaribus, sed etiā reliquis Germaniæ proceribus gratissimus extiterit. Tandem uerò in patriam reuersus, aliquando Friburgi Brisgaudie habitauit, aliquando uerò ad longinquieres regiones reuersus, suam familiam plurimūm decorauit. Anon.